

Karin-pola lat.

கரின்போல் mal.

خَارِبَةٌ arab.



K A R I N - P O L A.

T A B U L A X X I I I.



St & hæc planta aquatica, cuius *radix* oblonga, crassa, carne albicante & aquea, fibris oblongis, rotundis, albicantibus crassis instructa. *Caules* quibus folia insident, omnes ex radice exoriuntur, interius nonnihil plani, maxime circa pedem, superiori parte strictiores, *costam* foliorum constituentes, viridi fusci, dilute rubescentes, intus fungosi & aquei, viroris in recta parte saturi & nitentis, in adversa dilutioris. *Folia* oblongo rotunda sunt, in cuspidem desinentia, in oris nonnihil crispata, mollia, lenia, superficie plana & glabra, venis, ex *costa* media oblique adscendentibus, striata, illa crassa est, altum in recta parte eminens. *Flores* in propriis caulis, qui & ex radice oriuntur, ac virides, fungosi, aquei, nonnihil plani sunt, superne collo crassiolo turgentes, ac ibi rubescentes proveniunt, ampli, cochleatim quasi turbinati, cuspipe intorto, carnosæ, exterius scabri, purpureo rubri, interius rugosi, rubrosanguinei. Inferius ex globulo rubescente glomulato, in fundo colli sito, exsurgit *stylus* candidus, *capitulo* flavo, oblongo, granulato nodulatus, per theculam capitatum, fungosam, rubescentem & rugis obsitam, in medio hiantem, se transmittens. *Globulus* qui, floribus deciduis, in fundo colli apparet, rubescit, spiris instructus, juxta spirarum tractum granulis eminentibus, superne planis ac rufescientibus, obductus. In hoc *semina* in numerosis includuntur cavernulis carnosis, viridibus, proxime ad corticem recessita, in singulis cavernulis unum, oblongum, primum albicans, inferius rubescens, dein in totum rubescens, transversim in globulo in longitudine situm, stylo carneo albicante circumpositum. Balneum ex hac planta præparatum omnem corporis æstum reficit.

T A B U L A 23.

Est & hæc species *An.*

P. XI.

M

PON-